

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Joachim Langens Verbesserte und Erleichterte
Lateinische Grammatica**

Lange, Joachim

Halle, 1726

[Verbesserte und erleichterte lateinische Grammatica]

[urn:nbn:de:bsz:31-263836](https://nbn-resolving.org/urn:nbn:de:bsz:31-263836)

CAROLVS Sextus Divina favente clemētiā electus Romanorum Imperator semper Augustus, ac Germaniæ, Hispaniarum, Hungariæ, Bohemiæ, Dalmatiæ, Croatia, Sclavoniæ &c. Rex, Archidux Austriæ, Dux Burgundiæ, Styriæ, Carinthiæ, Carniolæ & Wirtembergæ, Comes Tyrolis &c. Agnoscimus & notum facimus tenore præsentium universis, quod, cum Nobis noster & Sacri imperii fidelis dilectus Henricus Julius Elers humiliter exposuerit; Se Joachimi Langens Grammaticam latinam usui longe meliori, faciliorique aptatam pro favore & commodo Studiosæ Juventutis restaurasse sic, ut illa modicis sumptibus brevi tempore, & labore in cognitionem Authorum hac duce levi pede venire possit, quam post decimam sub privilegio Serenissimi Regis Borussici editionem, nunc denuo suis impensis in Octavo typo dare, impressamque edere sibi proposuisse, vereri autem, ne invidiæ æmulatorum fraude, qui editionem istam dolose imitentur, impendii sui fructu destituatur, ac propterea demisse supplicaverit, ut ipsum contra ejusmodi defraudationem, aut imitationem privilegio nostro Cæsareo clementissime munire dignaremur; Nos ejusdem precibus benignè annuerimus, ac proinde omnibus & singulis Bibliopolis, Typographis, cæterisque omnibus negotiationem quamdam librariam exercentibus ferio, idque sub pœna decem marcarum auri puri inhibuerimus, prout hisce inhibemus, ne eorum quispiam intra octo Annos proximos ab hac die computandos præfatam Grammaticam sine Impetrantis hæredumve consensu intra Sacri Romani Imperii, Regnorumque ac Dominiorum nostrorum hæreditariorum fines in simili vel alio typo, modo vel forma, sive in toto sive in parte mutatisve titulis recudere, vel alio recudendum dare, invehere, vendare, aut etiam clam vel palam distrahere quo-

vis modo præsumat, hac quidem lege, ut prædictus Liber tam debito loco approbetur, solitaque censura apponatur, nec antea vel absque ea ullibi distrahatur, quam consueta de eo quinque exemplaria ad Imperialem nostram Cancellariam Aulicam deferantur, atque in ejusdem fronte privilegium hoc nostrum (ne quis ignorantia prætextu se excusare possit) exhibeatur, quisquis autem mandatum hoc nostrum non observaverit, is non modo ejusmodi libris perperam impressis privetur, verum etiam dicta pœna Fisco nostro imperiali fraudis Vindici pro uno, & pro altero semisse Parti læsæ exsolvenda mulctetur; Quare mandamus omnibus & singulis nostris & Sacri Romani Imperii, Regnorumque & Provinciarum nostrarum hæreditariarum subditis, cujuscunque dignitatis ac Status, ne quempiam privilegium hoc nostrum Cæsareum temere & impune transgredi ut violare patiantur, quin potius præscripta pœna Reos plecti curent; Harum testimonio Literarum manu nostra subscriptarum & sigilli nostri Cæsarei appensione munitarum; Quæ dabantur in Civitate nostra Viennæ die vigesima prima Februarii anno millesimo septingentesimo vigesimo primo, Regnorum nostrorum Romani decimo, Hispanicorum decimo octavo, Hungarici & Bohemici vero pariter decimo.

CAROLVS.

Vt. A. Comes de Schœnborn. mp.

Ad mandatum Sacr. Cæsar. Majestatis proprium.

P. W. Georgendiel mp.

Born